



**Peqqissutsimut Nunat Avannarliit Suleqetigiinnerannullu Naalakkersuisoq**  
 Agathe Fontain


Ulloq: 28-04-2017  
 J.nr.: 01.38.01.03-00078

**UPA 2017/128 atornerluineq pillugu inatsisissatut siunnersuut pillugu.**

Ulloq 24. april 2017-imi siunnersuummik suliaqarluni aallartinnermini pissutsit makku allakkatigut nassuiassagitit ataatsimiititaliamut pissutissaqartitsilerpoq:

Nunatsinni innuttaasut ataasiakkaat pisariaqartitsineq naapertorlugu atornerluinermut katsorsartinnissamut pingaarnertut tunngaviusumik neqeroofiqineqartarnissaat ataatsimiititaliamit maluginiarneqarpoq, pineqartoq inuit allattorsimaffiannut nalunaarsorneqarfiannut nalunaarsorsimanissaq aalajangersimasumillu najugaqarsimanissaat tunngavissaatinneqarluni. Siunnersuummi § 2, imm. 2 inuit aalajangersimasumik angerlarsimaffeqanngitsut inuillu allattorsimaffiannut nalunaarsorneqarsimanngitsut pineqarput, atornerluinermut katsorsartinnissamik qinnuteqassagunik nunatsinni ataannartumik qaammatini arfinilinni najugaqarsimasuusussaallutik.

- 1) Pineqaatissinneqarsimasut innuttaasut allat assigalugit akeqanngitsumik atornerluinermut katsorsartissinnaannginnissaannik eqqarsaateqarneq pillugit ataatsimiititaliamut nassuiaaqquneqarputit.
- 2) Pineqaatissinneqarsimasut pisortat peqqissutsimut sullississutaannut matumani ilanngullugu kigutit nakorsaannut akeqanngitsumik atuisinnaappat?
- 3) Nunatsinni innuttaasut allat najugaqarnissamut inuilluunniit allattorsimaffiannut nalunaarsimanissamik naammassinnissimasut akeqanngitsumik atornerluinermut katsorsartinnissamut akiliunneqarnissaannik neqerooruteqartanginnissaq siunertaava, aamma peqqinnissakkut sullississutinut allanut pineqartut taakku atuisinnaanngillat?  
 Assersuutigalugu tassaasinnaapput sulisut imaluunniit naalagaaffimmiit aallartitat, Danmarkimiit imaluunniit naalagaaffinniit nunaniillu allaneersut nunatsinni najugaqartut najugaqarallartulluunniit assersuutigalugu politiini, sakkutuuni, eqqartuussivinni, ilinniagaqartut, ilisimatuut il.il. sulisut.



## INATISARTUT

- 4) Pineqaatissinneqarsimasunik nunatsinneersunik Danmarkimi inissinneqarsimasunut danskit allatut innuttaassuseqartut Danmarkimi najugaqartut najugaqarallartulluunniit pinerluttunik isumaginnittoqarfimmi nakkutigineqartunik nakkutigineqanngitsunilluunniit Danmarkimi peqqinnissakkut sullississutinik atuinissamut periarfissaqanngitsunik assersuutissaqarpa?
- 5) Innuttaasut allat assigalugit nunatsinni pineqaatissinneqarsimasut akeqanngitsumik atonerluinermut katsorsartinnissaannut neqerooruteqartalennissamut naalakkersuinikkut kissaateqartoqassappat ukiumut qanoq toqqaannartumik aningaasartuuteqarnerunissaq naatsorsuutigineqarsinnaava?
- 6) Katsorsaasut ilinniarsimassusiat qanoq ippa - suut piumasaqaataappat
- 7) Nunatsinni ilinniarsimasut qassiuppat tamarmillu atorneqarpat?
- 8) Atonerluinermut katsorsaasut assigiinngitsut namminersortut amerlanerusut neqerooruteqartarnissaasa qulakkeerneqarnissaa teknikkikkut periarfissaqarpa? Taamaaliornikkut namminersortut neqerooruteqartartut ataasikkaat illuatungilerniarlugit, matumani ilanngullugu atonerluinermut katsorsaasunik assigiinngitsunik amerlanerusunik neqerooruteqartarnissaap qulakkeerneqarsinnaaniassammat. Atonerluinermut katsorsaasut ataasiakkaat qanoq annertutigisumik neqerooruteqartarnissaannut killilliisoqarsinnaavoq.
- 9) Katsorsaariaatsit qanoq pitsaassuseqarpat - qassit pitsaasumik angusaqartarpat?
- 10) Periaatsit suut atorneqarpat soorlu CENAPS vs Minnesota, imaluunniit alla?

Kingusinnerpaamik ulloq 5. Maj 2017-imi ataatsimut nassuiaateqartoqarnissaa ataatsimiititaliamit qilanaarineqarpoq. Akissuteqaat qarasaasiakkut ukununga [inatsisartut@inatsisartut.gl](mailto:inatsisartut@inatsisartut.gl) aamma [jhh@inatsisartut.gl](mailto:jhh@inatsisartut.gl) nassiunneqassaaq, pappialanngorlugu uunga nassiunneqassaaq Inatsisartut allattoqarfiat, Box 1060, 3900 Nuuk

### Ilaqtariinnermut Peqqissutsimullu Ataatsimiititaliaq

sinnerlugu  
  
Martha Lund Olsen  
Siulittaasoq

Side 2 af 2